

Ukiumoortumik naatsorsuutit pillugit inatsimmi ingerlatsiviit ilaasut nunat tamat akornanni naatsorsuutitigut najoqqutassanik atuinerat pillugu Kalaallit Nunaannut nalunaarut (IFRS-i pillugu nalunaarut)

Ukiumoortumik naatsorsuutit pillugit inatsimmi, Kunngip peqqussutaatigut nr. 625, 23. juni 2008-meersukkut Kalaallit Nunaannut atuutilersinneqartoq, § 137, imm. 4, aamma § 164, imm. 3 aamma 4 naapertorlugu aalajangerneqarpoq:

Atuuffissaa il.il.

§ 1. Nalunaarut manna atuutissaaq ingerlatsivinnut ukiumoortumik naatsorsuutit pillugit inatsimmi pineqartunut, tak. § 1, Kunngip peqqussutaatigut Kalaallit Nunaannut atuutilersinneqartoq, Rådetip nunat tamat akornanni naatsorsuutitigut najoqqutassanik atuinerat pillugu peqqussutaa aamma ukiumoortumik naatsorsuutit pillugit inatsimmi § 137 naapertorlugu Kommissionip nunat tamat akornanni naatsorsuutitigut najoqqutassatut akuersissugisimasai malillugit ukiumut nalunaarusiortartunut, Kunngip peqqussutaatigut Kalaallit Nunaannut atuutilersinneqartoq.

§ 2. Ukiumoortumik naatsorsuutini aalajangersakkat, Kunngip peqqussutaatigut Kalaallit Nunaannut atuutilersinneqartumi nunat tamat akornanni naatsorsuutitigut najoqqutassat ator neqartartut Kommissionimit akuersissutigineqarsimasumi pissutsit iluarsii vigigaangassuk, tak. Nunat tamat akornanni naatsorsuutitigut najoqqutassanik tamanut saqqummiussineq pillugu Kalaallit Nunaannut nalunaarut, § 1-imi ingerlatsiviit taaneqartut inatsimmi aalajangersakkat ator nagit najoqqutassat atussavaat. Aammali ukiumoortumik naatsorsuutit pillugit inatsimmi aalajangersakkat, Kunngip peqqussutaatigut Kalaallit Nunaannut atuutilersinneqartumi, ator neqassapput taakkunani ingerlatsivinni pisariaqartitamik naleqqussarneqarsimallutik, tak. Ukiumoortumik naatsorsuutit pillugit inatsimmi § 137, imm. 3, Kunngip peqqussutaatigut Kalaallit Nunaannut atuutilersinneqartumi, mannalun nalunaarut.

§ 3. Aalajangersakkat atorneranni, ingerlatsiviup ukiumoortumik naatsorsuutit pillugit inatsimmi malitassaani, Kunngip peqqussutaatigut Kalaallit Nunaannut atuutilersinneqartumi, ingerlatsiviup minnerpaamik malissavai aalajangersakkat naatsorsueriaatsimi qaffasissumiittut, ingerlatsiviup ukiumoortumik naatsorsuutit pillugit inatsimmi § 7 naapertorlugu ilaaffigisaani, Kunngip peqqussutaatigut Kalaallit Nunaannut atuutilersinneqartumi.

Imm. 2. Ukiumoortumik naatsorsuut ilaannakortaasa saniatigut imaqassaaq, nunat tamat akornanni naatsorsuutitigut najoqqutassat ator neqartartut Kommissionimit akuersissutigineqarsimasumi aalajangerneqarsimasunik, minnerpaamik naatsorsueriaatsini qaffasissutsini tamani ilaannakortanut aalajangerneqarsimasunik, ukiumoortumik naatsuutit pillugit inatsimmi § 18, 1. aamma 2. pkt, § 22, imm. 1, 1. aamma 2. pkt, § 78, imm. 1, 1. aamma 2. pkt., aamma § 102, imm. 1, 1. aamma 2. pkt.-imi aalajangerneqarsimasut, Kunngip peqqussutaatigut Kalaallit Nunaannut atuutilersinneqartumi.

Naatsorsuutinut ilanngussineq, annertussusiliineq kiisalu paasisutissiinissamik piумаqaatit aalajangersimasut

§ 4. Kommissionip nunat tamat akornanni naatsorsuutitigut najoqqutassatut akuersissugisimasaani aalajangersakkat ator neqassapput ukiumoortumik naatsorsuutit pillugit inatsimmi naatsorsuutinut

ilanngussineq aamma annertussusiliineq kiisalu paasissutissiinissamik piumasagaatit aalajangersimasut pillugit aalajangasakkanut taarsiullugit, takuuk § 16, § 17, imm. 1, 2. aamma 3. pkt, § 19, imm. 2 aamma 3, § 20, imm. 1, § 21, imm. 1 aamma 2, § 22, imm. 3, §§ 23-67, § 70, § 75, § 78, imm. 3, §§ 79-95, § 96, imm. 1, § 97, 1. pkt, § 98 c, § 103, § 106 a, §§ 114-115, § 116, imm. 2, §§ 117-125, § 126, imm. 4, aamma ilanngussami inissitserinissamut najoqqutassiat, Kunngip peqqussutaatigut Kalaallit Nunaannut atuutilersinneqarsimasoq.

Imm. 2. Imm. 1-imi aalajangersakkat taaneqartut ilanngunnagit ukiumoortumik naatsorsuutit pillugit inatsimmi, Kunngip peqqussutaatigut Kalaallit Nunaannut atuutilersinneqarsimasumi, pisariaqartortai tulluarsarlugit atorneqassapput. Inatsimmi aalajangersagaq, tamatuma kingorna ingerlatsiviup malitassai Kunngip peqqussutaatigut Kalaallit Nunaannut atuutilersinneqarsimasumi, ukiumoortumik naatsorsuutit pillugit inatsimmi, innersuussipput imm. 1-imi aalajangersakkamut taaneqartumut, innersuussinerup taarserneratigut inatsimmi aalajangersagaq tulluarsarneqarluni atorneqassaaq, Kommissionip nunat tamat akornanni naatsorsuutitigut najoqqutassatut akuersissugisimasaanni aalajangersakkami imaluunniit aalajangersakkani, pissutsimut pineqartumut iluarsissutitut, takuulli § 5, imm. 1.

§ 5. Taamaattoq § 4 apeqqutaatinnagu ingerlatsiviit akunnattumik angissusillit naatsorsueriaatsimi qaffasissuseq C- imi Kunngip peqqussutaatigut Kalaallit Nunaannut atuutilersinneqarsimasumi, ukiumoortumik naatsorsuutit pillugit inatsimmi § 101, imm. 2, 2. pkt-imi sakkukilliineq atorsinnaavaat, taamaalilluni taakku ingerlatsiviit ukiunut tallimanut takussutissiami ilanngaattissat ilanngaatigeerlugit aningaasat kaaviaartitamik paasissutissiissutiginnissaat pinngitsoorsinnaavaat, takuuk § 101, imm. 1, ukiumoortumik naatsorsuutit pillugit inatsimmi § 32 malillugu, Kunngip peqqussutaatigut Kalaallit Nunaannut atuutilersinneqarsimasumi.

Imm. 2. Kommissionip nunat tamat akornanni naatsorsuutitigut najoqqutassatut akuersissugisimasaanut nuunnermi ingerlatsiviup naatsorsuutaasa pingaernerit tunngaviusumillu aningaasaqarnerata ukiunut tallimanut takussutissiaanni naleqqussarnissamut piumasagaateqartoqannngilaq, naatsorsueriaatsini taaneqartuni tamatumunnga piumasagaatit saniatigut, takuuk Kunngip peqqussutaatigut Kalaallit Nunaannut atuutilersinneqarsimasumi, ukiumoortumik naatsorsuutit pillugit inatsimmi § 101, imm. 1. Naleqqiussilluni kisitsisit tulluarsarnerat amigaataappat ukiunut tallimanut takussutissiornermut atatillugu taaneqassapput.

Tunngaviusumik takussutissat eqqortut il.il. pillugit piumasagaatit tunngaviusut kiisalu nassuiaatit

§ 6. Tunngaviusumik takussutissat il.il. eqqortut pillugit piumasagaatit ukiumoortumik naatsorsuutit pillugit inatsimmi §§ 11-13-imi kiisalu ilanngussa 1-imi nassuiaatit, Kunngip peqqussutaatigut Kalaallit Nunaannut atuutilersinneqarsimasumi, atussapput aalajangersakkanut, ingerlatsiviit ukiumoortumik naatsorsuutit pillugit inatsimmi malitassaanut, Kunngip peqqussutaatigut Kalaallit Nunaannut atuutilersinneqarsimasumi. Assigisaanik tunngaviusumik piumasagaatit nassuiaatillu Kommissionip nunat tamat akornanni naatsorsuutitigut najoqqutassatut akuersissugisimasaanni aalajangersakkat atuutissapput aalajangersakkanut, ingerlatsiviit naatsorsuutitigut najoqqutassanut taaneqartunut malitassaanut.

Toqqortaqaarnissamut pisussaaffit

§ 7. Toqqortaqaarnissamut pisussaaffinnut aalajangersakkat ukiumoortumik naatsorsuutit pillugit inatsimmi § 38, imm. 5, § 41, imm. 3, § 43 a, imm. 5, aamma § 46, imm. 1, Kunngip peqqussutaatigut Kalaallit Nunaannut atuutilersinneqarsimasumi, aaqqiissutinut qaffaanernullu

taamatutaaq atuupput, Kommissionip nunat tamat akornanni naatsorsuutitigut najoqqutassatut akuersissugisimasaani aalajangersakkat malillugit suliarineqarsimasunut.

Imm. 2. Pigisanut nalilinnut tunngatillugu pisussaaffinnik aaqqiissutinut qaffaanernullu allanut imaluunniit Kommissionip nunat tamat akornanni naatsorsuutitigut najoqqutassatut akuersissugisimasai malillugit pisussaaffinnik naleqqussaalluni annikilliissutinut appaanernullu ingerlanneqartunut, ukiumoortumik naatsorsuutit pillugit inatsimmi aalajangersakkat nalinginnaasut malillugit inerteqqutaasut, Kunngip peqqussutaatigut Kalaallit Nunaannut atuutilersinneqarsimasumi, § 41, imm. 3, Kunngip peqqussutaatigut Kalaallit Nunaannut atuutilersinneqarsimasumi, assinganik atuupput.

Imm. 3. Imm. 1 aamma 2 ingerlatseqatigiiffissuit naatsorsuutaasa suliarineranni atussanngillat.

Ingerlatseqatigiiffissuit naatsorsuutaannik saqqummiussisussaatitaaneq

§ 8. Ukiumoortumik naatsorsuutit pillugit inatsimmi aalajangersakkat nassuiaatillu, Kunngip peqqussutaatigut Kalaallit Nunaannut atuutilersinneqarsimasumi, atussapput ingerlatsiviup ingerlatseqatigiiffiup naatsorsuutaannik suliaqartussaatitaanerani aalajangiinermi.

Imm. 2. Kommissionip nunat tamat akornanni naatsorsuutitigut najoqqutassatut akuersissugisimasaani, patajaallisaanissamik pisussaaffimmut ingerlatsiviit sorliit ilaanersut aalajangerneqarneranni atuutissapput.

Kattutsitsineq aamma agguataarineq

§ 9. Ukiumoortumik naatsorsuutit pillugit inatsimmi §§ 129 aamma 130-ilu, Kunngip peqqussutaatigut Kalaallit Nunaannut atuutilersinneqarsimasumi, atussapput kattunnermut agguataarinermullu atatillugu naatsorsuutit uppersaatit suliarineqarneranni. Pigisat nalillit ataasiakkaat naatsorsuutit ilanngunneqarneranni annertussusilerneqarnerannilu aammali taakkunani uppersaatitini pisussaaffiit Kommissionip nunat tamat akornanni naatsorsuutitigut najoqqutassatut akuersissugisimasai atuutissapput. Ukiumut nalunaarusiap suliarineqarnissaa eqqarsaatigalugu tigusinermi oqimaatigiisitsinissap suliarineqarnerani 2. pkt.-imi naatsorsueriaatsit taaneqartut atuutissapput.

Pineqaatissiissutit

§ 10. Nalunaarummik unioqqutitsineq akiliisitsissutaassaaq, Kalaallit Nunaanni pinerluttulerinermik inatsit malillugu allatut pillaatissiisoqassanngippat. Unioqqutitsineq piliarineqarsimappat aktieselskabimit, anpartsselskabimit, andelsselskabimit imaluunniit assigisaanit (inatsit naapertorlugit taakku sinnerlugit ingerlatsisut) ingerlatseqatigiiffik taamaattut akiliisussanngortitaasinnaavoq.

Atuutilersinneqarnera

§ 11. Nalunaarut atuutilissaaq ulloq 1. august 2008.

Erhvervs- og Selskabsstyrelsen, ulloq 10. juli 2008

OLE BLÖNDAL

/Grethe Krogh Jensen